

五

吳黼堂
評註

陳無擇三因方

上海棋盤街
文瑞樓印行

省中醫藥學會書簽
編目 11-185 $\frac{5}{8}$



三因極一病源論粹方卷之十一

脹滿叙論

內經有鼓脹太素作穀脹治法雖詳而不論其所因原其脹滿之端皆胃與大腸二陽明為太陰之表大抵陰為主陽與之正或臟氣不平勝尅乘尅相感相因致陰陽失度一作序遂有此症假如怒傷肝肝尅脾脾氣不正必脹於胃名曰勝尅或怒乘肺肺氣不傳必脹於大腹名曰乘尅憂思聚結本藏氣鬱或實或虛推其感涉表裡言之皆內所因或冒寒暑風濕隨其經絡傳至陽明致脹滿者屬外所因飲食飢飽生冷甜膩聚結不散或作坯塊臃脹滿悶屬不內外因當知脹滿該涉三因須以人迎氣口分其內外脈息虛實審其溫利詳而調之無失機要不爾則為心腹痼疾坐受困踣不可不謹

脹滿證治

論云。五積久而必心腹脹滿。且五積以五臟氣不利。一作平。肝為肥氣。心為伏梁。肺為息賁。脾為痞氣。腎為奔豚。皆聚結坯塊。所生所成之日。分推而究之。皆喜怒憂思。乘尅勝尅。相因相感。如此等類。從五積法治之可也。但內所因。不待成積。即為脹滿。亦當隨其藏氣而平治之。所謂虛實補瀉。太過不及。以經調治。

吳黼堂曰。臞脹。腹有惡液也。名曰水臞。原因為肝藏變硬。又由脾脈或下行。大靜脈壓迫。或心肺腎諸病。血行障礙。或由瘡後硬脾血薄。障礙而起。此等症。西醫有對症療法。然亦不甚大效。其穿腹術。於臍下泄水。尤為危險。愚見百治百死。醫方類編言。有一人用針腹抽水。至十八次而愈者。此倖而得免者也。後考孫真人書言。由臍下針泄其水。即不可治。因此後針亦死。不針亦死。故也。愚有試驗方。後當刊出。三因方以勝尅立說。殊太膚廓。

大半夏湯 治肝氣不平。勝尅於脾。脾鬱不行。結聚涎沫。閉於藏氣。

腑氣不舒。胃則脹滿。其脉絃遲。故致中虛胃冷。脹滿。服此可下氣。

進食。

半夏洗 肉桂各五錢 附子去度 人參 炙草 厚朴煨汁 當歸 茯苓

枳殼炒各三錢 川椒八十粒炒出汗去合口者

右劉散每服四錢。薑五片。棗三枚。煎服。食前。

千金溫胃湯 治憂思結聚。脾肺氣凝。陽不能正。大腸與胃氣不平。

脹滿衝咳。食不得下。脈虛而緊。瀉。

附子炮 當歸 厚朴勝人 參 橘皮 白芍 炙草各二兩 乾薑一兩

錢一 川椒三分去合口者炒出汗

右為末。每服四錢。煎服。食前。

附子粳米湯 治憂怒相乘。神志不守。思慮兼并。致亂藏氣。不主傳。



導。使諸陽不舒。反順為逆。中寒氣脹。腸鳴切痛。胸脇逆滿。嘔吐不食。附子去皮臍虛人畧炮粳米各三錢半夏洗炙草一錢乾姜一分
千金方加此味

右剉散。每服四錢。棗三枚。水煎溫服。

七物厚朴湯 治腹滿發熱。以陽併陰。則陽實而陰虛。陽盛生外熱。

陰虛生內熱。脈必浮數。浮則為虛。數則為熱。陰虛不能宣導。飲食

如故。以致脹滿者為熱脹。

厚朴一兩姜汁炒炙草 大黃蒸各三錢三分枳實五錢肉桂一分

右剉散。每服四錢。姜七片。棗三枚。嘔者加半夏一分。利者去大黃。

寒多加生薑片煎。

麝香綿灰散 治腹虛脹滿。朝緩暮急。服諸藥不痊。惡風不能宣泄。

膨膨鼓脹。

寒蚕綿五錢麝香五分
別研



右為細末。研勻。每服一錢。濃煎薄荷湯下。酒服尤佳。不以時服。一方有乾漆炒青煙出。量虛實用之。虛者不可用。

溫中湯 治虛人老人飲啖生冷飲多致腹脹心下痞滿有妨飲食或刺痛泄痢氣痞滯悶

厚朴

去皮細剉

甘草

剉

生薑

洗切

青州棗

等分切

右以上三味。搗令得所。方入生薑。再杵令勻。取出同棗焙。令浥。微燥。却入鍋內。慢火炒至紫色。再焙乾為細末。每服一錢。生薑少許點湯空心服。以知為度。氣味殊異。兼能愈疾。又易修合。

料簡

上件諸方。如內因與不內外因。皆可選用。若外因傷風傷寒。傳至陽明經腹脹。可以大承氣杏子等湯。各見本門。濕脹木附湯。加苓桂等。暑脹黃龍丸。皆良藥也。更有腳氣支滿脾橫泄。及五疸石水。婦人腸



單血臟。或單腹脹之証。治之各見本門。學者當審詳為治。無致混濫。失其機要也。

吳黼堂曰。肥氣為脾脹。伏梁痞氣為胃病。前於積聚門。曾考証及之。此篇以五積久。必心腹脹滿。而所用諸方。多治肝胃之品。不思息賁為肺病。奔豚為腎病。息賁必喘。奔豚必悸。症屬肺氣腎氣。烏可混治。察所用方。均能泄滿止脹。以治肝胃之病。則可耳。

霍亂叙論

夫霍亂之病。為卒病之最者。以人起居無它。揮霍之間。便至變亂。悶絕不救。甚為可畏。臨深履危。不足以喻。有生之流。不可不達其旨趣。蓋其病因。涉於內外。不內外。三種具備。而讀傷寒論者。見有本是霍亂。今是傷寒之說。便謂霍亂即是傷寒。証殊不知因傷寒以致霍亂。只是外因一証耳。況風寒暑濕。皆有此證。備論殊不知喜怒憂思。飲

食飢飽皆能致霍亂之証。故不得不備論。

霍亂諸症

霍亂者。心腹卒痛。嘔吐下利。憎寒發熱。頭痛暈眩。先心痛則先吐。先腹痛則先下。心腹俱痛。吐利並作。甚則轉筋入腹。則斃。霍亂惡証。無越於此。此蓋陰陽反戾。清濁相干。陽氣暴升。陰氣頓墮。陰陽痞隔。上下奔走。扶救不先。治之惟宜溫暖。更詳別三因。隨內外以調之。不爾。則坐視困踣也。

霍亂外因証治

諸惡風惡寒。有汗無汗。重着煩毒。皆外所因。蓋傷風則惡風有汗。傷寒則惡寒無汗。冒濕則重着。傷暑則熱煩。此雖常論。霍亂之間。倉卒不辨。遂致錯誤。亂經反常。為害不淺。豈止本為霍亂。今是傷寒而已哉。當隨外所因治之。乃可。

理中湯 治霍亂吐下。脹滿。食不消。心腹痛。

人參 炮薑 白朮 炙草

各三兩

右為剉散。每服四錢水一盞煎七分。去滓。食前服。遠行防霍亂。蜜丸如桐子大。每服三五十丸。如作散。每服方寸匕。酒調服亦可。轉筋加熟石膏三兩。○若臍上築者。腎氣動也。去朮加肉桂四兩。腎惡燥。故去朮。恐作奔豚。故加桂。○吐多者。去朮加生薑三兩。下多者。復用朮。○悸者。加茯苓二兩。○渴欲得水。加朮。合前成四兩半。○若寒者。加乾姜。合前成四兩半。○若腹中 加人參。合前成四兩半。○腹滿者。去朮。加附子。服藥後。食頃。食熱粥一杯。微自溫覆。勿去衣被。○噦則加丁香。吐利止。身體痛不休者。審其元因。以和解之。如初因傷風。用桂枝之類。所謂治有本也。

外因料簡

凡外所因。必自經絡傳入臟府。須以脈證推其所因。隨經調之。則盡善矣。假如太陰經傷寒。當用四逆湯。少陰經。當用附子麻黃湯。厥陰經。當用理中湯。若在太陽經。還用麻黃湯。陽明經。養胃葛根湯。少陽經。小柴胡湯。風暑濕亦然。風則桂枝湯。暑則香薷飲。五苓散。濕則苓朮湯。滲濕湯。皆可於諸門。隨証檢用。不復繁引。

霍亂內因証治

大喜傷心。則氣散。大怒傷肝。則氣激。憂傷肺。則氣聚。思傷脾。則氣結。恐傷腎。則氣却。驚傷胆。則氣亂。藏氣既鬱。結聚涎飲。痞膈不通。遂至滿悶。隨其勝復。必作吐利。當從內所因治之。

七氣湯 治喜怒憂思悲恐驚七氣鬱發。致五藏互相刑剋。陰陽反戾。揮霍變亂。吐利交作。寒熱眩暈。痞滿咽塞。

半夏

五兩

厚朴

肉桂

各三兩

茯苓

白芍

蘇葉

橘皮

各二兩



人參

一兩

右剉散。每服四錢。加生薑七片。棗一箇。煎服。空心服。

胃氣丸

治憂思過度。脾肺氣閉。結聚涎飲。留滯腸胃。氣鬱於陰。寒於陽。陰陽反戾。吐利交作。四肢厥冷。頭目眩暈。或復發熱。兼治

老人胃寒。太便秘。妊娠惡阻。全不進食。

硫黃 不拘多少。入猪藏內。縛兩頭。用米泔及酒童便各一碗。煮

乾取出。剖臍取盡。洗淨穢氣。乾秤十兩。

茯苓

人參

各一兩

石膏

一分一法同
硫黃合煮

半夏

五兩
洗

右為末。生薑汁和。蒸餅餠為丸。如桐子大。空心用米湯入少許姜汁。下五十丸。至百丸。

真珍散

治喜怒不常。憂思兼并。致藏氣鬱結。留積涎飲。胸腹滿悶。

或腹疴痛。增寒發熱。吐利交作。



附子

二隻一生一炮去皮臍

半夏

兩半洗

滑石

煉成鍾乳

各五

辰砂

三分別研

右為末。每服二錢。薑七片。霍香三葉。蜜半匙。煎七分。食前冷服。小
便不利。加木香茅根。

不内外因證治

諸飽食膾炙。恣飡乳酪。水陸珍品。脯醢雜穀。快飲寒漿。強進旨酒。耽
縱情慾。不節胃為五臟海。因脾氣以運行。胃既填脹。脾臟停凝。藏氣
不行。必致鬱發。遂成吐利。當從不内外因治之。

紅丸子 治脾胃飲食不節。宿食留飲。聚癖腸胃。或因氣不調。衝冒
寒濕。忽作霍亂。吐利并作。心腹絞痛。腸胃纏刺。疲倦不勝。

蓬木

三稜

各二兩並醋煮

胡椒

兩一青皮

阿魏

分一

右為末。醋化阿魏。入陳米粉為糊。丸桐子大。礬紅為衣。生薑甘草
煮湯下。一百丸至二百丸。



中藥大學圖書館藏

胡椒湯 治霍亂吐利極妙

胡椒七粒 菜豆三七粒

右為末煎木瓜湯調下

訶子散 治老幼霍亂吐利一服取效刻本方見九痛門

訶子煨 炙草 厚朴薑汁 炮薑 菓果炒去皮 陳皮 良薑炒

茯苓 神麴炒 麥芽炒各等分

右為末每服二錢候發刺痛不可忍時煎七分入鹽少許服如欲速則點服

霍亂凡例

轉筋者以陽明宗筋屬胃與大腸今暴下暴吐津液頓亡外傷四氣內積七情飲食甜膩攻閉諸脉枯削於筋宗筋失養必致攣急甚則卵縮舌卷為難治



木瓜湯 治霍亂吐下不已轉筋入腹則悶絕

木瓜一雨 吳茱萸五錢 茴香一分 炙草一分

右為剉散每服四錢薑三片紫蘇十葉煎七分去滓

煩渴者以陰陽反戾清濁相干水與谷併小便秘塞既走津液腎必

枯燥引水自救煩渴必矣

茯苓澤瀉湯 治霍亂吐利後煩渴欲飲水

茯苓八雨 澤瀉四雨 炙草二雨 桂心二雨 白朮各三雨

右剉散每服四錢薑三片煎七分一法有小麥五雨

水浸丹 治伏暑傷冷冷熱不調霍亂吐利口乾煩渴

黃丹炒一分 巴豆三十粒一作二粒去皮炒

同研勻用黃蠟鎔作汁和為丸桐子大每服五丸以水浸少頃別

以新汲水下不以時服



北京中醫藥大學圖書館藏

乾霍亂者忽然心腹脹滿絞刺疼痛。蠱毒煩冤欲吐不吐欲利不利。狀若神靈所附頃刻之間便致悶絕亦涉三因。或臟虛或腸胃素實。故吐利不行。

鹽湯 治乾霍亂及蠱毒宿食不消積冷心腹煩滿鬼氣用極鹹鹽湯三升熱飲一升刺口令吐宿食便盡不吐更服吐訖復飲三吐乃止。此法大勝諸治俗人以田舍淺近鄙而不用守死而已。凡有此病即先用之。

吳鞠堂曰霍亂症多由暑濕中人及飲水不潔而發素有胃腸病者尤易感受凡米泔樣之吐瀉即其據也。此症治法注射較捷服藥次之。鴉片樟腦諸製劑尤有特效。我國以鹽湯熱飲與西醫因下痢過多注射鹽水用意頗合。

嘔吐叙論

嘔吐雖本於胃。然所因亦多端。故有飲食寒熱氣血之不同。皆使人嘔吐。據論云。寒氣在上。憂氣在下。二氣並爭。但出不入。此亦一途。未為盡論。且如氣屬內因。有七情不同。寒涉外因。則六淫分異。皆作逆。但鬱於胃。則嘔。豈拘於憂氣而已。況有宿食不消。中滿溢出。五飲聚結。隨氣翻吐。痼冷積熱。及瘀血凝閉。更有三焦滿氣。走哺吐利。泄血。皆有此證。不可不詳辨也。

寒吐證治

病者胃中寒。心下澹澹。四肢厥冷。食即嘔吐。名曰寒嘔。或因傷食。多致傷胃氣。或因病曾經汗下。致胃氣虛冷之所為也。

四逆湯 治寒嘔脉弱。小便復利。身有微熱。見厥者難治。

炙草

錢一

乾薑

三字

附子

六錢 重生 去皮臍

右為散。每服三錢。三味以水二盞煎取七分。溫服。

生硫黃丸 治同前。

硫黃 不拘多少。以柳木槌研細。以生薑汁蒸餅糊為丸。米湯下五十丸食前。

靈液丹 治胃中虛寒。聚積痰飲。食不化噫醋吞酸。大便反堅。心胸脹滿。惡聞食氣。婦人妊娠惡阻嘔吐。不納食者。

硫黃

打碎

附子

去皮臍切如菜豈大各一兩

萊菔

四兩用水一磅同附子煮焙乾

右為末。以生薑汁煮麪糊為丸。米湯下五十丸。同前服。

熱嘔証治

病者胃中挾熱煩躁。聚結涎沫。食入即吐。名曰熱嘔。或因胃熱伏暑。及傷寒服熱不解。濕疸之類。皆熱之所為也。

小柴胡湯 治熱嘔。

柴胡 半夏 黃芩 人參 甘草 加生薑棗煎服